

昌化縣志卷十八

雜類志

寓賢

許邁字叔元一名映禹航之垂雷延陵之茅山陳安世茅季偉所嘗游歷也邁立精舍于垂雷而往來茅山之洞室蓋庶幾遇其人焉永和二年入臨安西山登巖採芝有終焉之志乃更名元字遠遊著詩十二章論神仙事嘗與王羲之書曰自山陰至臨安多有金堂玉室黃芽紫芝左慈元放

昌化縣志 卷十八

雜類志

寓賢

一

之徒漢末得道者在焉後竟莫測所終

葛洪字稚川句容人少以儒學知名性寡欲

不慕榮利閉門却掃未嘗交游惟好神仙導養法元其從祖也學道得仙以丹術授鄭陰洪就隱學悉得其法又師鮑元兼綜醫術著撰精覈才華富瞻以天下亂避地江南歷餘杭諸山晉咸和初選為散騎常侍不就聞交趾出丹砂求勾漏令乃止羅浮山後尸解去縣北武隆山巔有洪煉丹井蓋避地時遺跡也

羅隱 字昭諫新城人工詩善屬文博物多知  
寓居昌化屢舉進士不第僖宗光啟中吳越王錢  
鏐辟為從事節度判官副使諷諫忠功鏐雖不能  
用心甚義之朱全忠以諫議召不行開平中魏博  
節度使羅紹威慕隱名推為叔父表授給事中年  
八十終餘杭

饒京 青州淄水人梁末為鎮海軍紫溪鎮遏  
使龍德元年卒制贈太保葬于金山鄉之首源子  
孫因家焉

昌化縣志 卷十八

雜類志

寓賢

二

程偉 字駿伯號墨庵蕪湖人為錢塘諸生因  
慕昌佳山水挈家以居焉博學多聞家貧受徒講  
學資修脯以自給喜方外交與梅菴雲章諸人結  
鶴社號病鶴賦詩多寓意著有夢夢吟

古蹟

昌化縣舊城 不知所始元至正十七年重築內  
附毀

武隆縣治 唐武后萬歲通天元年易紫溪縣為  
武隆縣徙治唐山之南今昌化縣後是也

主簿廳 在縣西南五十步淳熙末簿施宿報廳  
後有堂曰瑞應

布政分司寓署 在縣東二百步明正統五年令  
毀愈隆建今廢

按察分司寓署 在縣東五十餘步澄清坊內明  
洪武二年令李質建公宇正廳三間左右廂房各  
三間廚房三門萬歷四十一年令康萬有重建今  
廢

府館 在縣東三十餘步明正德九年令李一寧

昌化縣志 卷十八

雜類志

古蹟

三

建萬歷四十一年知縣康萬有重葺今廢

手穿巡檢司署 在十二都手穿嶺因名元徙九

都朱柳明洪武庚戌徙三都堪村天啟三年十都

楊家塘多盜署縣唐通判條議詳允令巡檢移駐

其地將堪村署基招賣土著即以其價置買楊家

塘地 國初司署復遭兵燹惟遺址僅存歷任巡

檢賃民房寓古寺康熙三十五年王宣始移署縣

東公館康熙三十九年裁革今僅存平屋一間

尉司 在縣南六十步淳熙間尉馮柳建

鎮守千戶所 在縣西北元至元庚寅以徽寇犯境置闕宋簿廳及酒坊稅務之址為營

隆德巡檢司 在縣南至元中因建德山寇犯境

置至正末裁革

稅務 在舊縣治北

酒務 在縣治西

稅課司 在舊縣治東

縣倉 在簿尉廳舍南

雙溪館 在縣前一百一十步宋熙寧六年邑令

昌化縣志 卷十八

雜類志

古蹟

四

陸元長建宣和四年令錢冰重建紹興三年令黃

壽修

黃壽雙溪驛館記縣舊有雙溪館東坡公參

月度久上漏下濕窗毀楣折登高臨遠不足以快

方寸而增雙明余承乏攝職始鳩工選材剔蠹除

朽不費于官不勞于民而遂落成或者謂縣之宿

弊未革庶事類弛宜若緩其本而急其末謹其小

而忽其大余謂不然周之盛時凡國楚之道自十

里之廬至五十里之館其寄寓之所遠近備具後

世設為賓舍蓋得周之遺意賢者信之衆人忽焉

單襄公聘楚假道于陳候不在疆宰不授館而單

公知陳之有咎薛惠令于彭城郵亭不備而薛宣

知惠之不任職夫以客館不治未為深害而單公

薛宣諄諄于此何哉蓋事之未如此則其本可知

小如此則其大可知唐昌邑雖小而部使者郡督

郵之所臨按卿大夫士君子之所經從屬兵亂煨

燼之餘乏駐車託宿之地豈無發單公薛宣之嘆

昌

化縣志

卷十八

雜類志

古蹟

五

者乎方將排牒訴之控德浦日月之間暇招來僚  
 友徜徉盤礴料雲安之麴米煮江南之菽茅而寓  
 日為茲館之下派分則玉虬怒奔濤鼓則素練潤  
 曳曉烟忽開夕霖乍合鷗鷺飛翔魚釣上下花明  
 柳密裝束駘蕩枯蘆敗葦醞造平淡供一日之眺  
 望助四時之吟賞舒無窮之景涵不盡之意彷彿  
 乎沅湘之洲依稀乎苕霅之渚雖洞庭彭蠡汪洋  
 澎湃宜無二致况前人之規摹指畫非獨樂乎此也  
 其有以寓成周秩官之意而謹單公薛宣之戒豈  
 不美者乎然則四方之客館一舉而二得其有類于  
 斯者乎因又即其隱蔽小閣揭其名公清賦繼高  
 標于靖節增壯觀于一時。繆沅道經昌化詩耕  
 織無偏廢淳風今所難桐江通下柳竹嶺入新安  
 虎跡村村說猿聲夜夜寒那堪多病客窗外即溪  
 灘。戴冠與許平甫叙公館詩故人千里重相逢  
 坐對梅花動晚風草木已非前度色襟期遠與舊  
 時同秋香誤入芙蓉苑曉日重開蘭桂叢倒盡玉  
 尊言未盡幽懷猶在末言中。陳士琬金昌城歸

滴翠堂

在縣治面對羣山宋乾道八年令下園

建邑今康萬有詩開簾秋色滿拄笏暮雲生山聳  
 嶺屹骨溪喧豨淡聲蒼茫偏喜雨翠藹亦宜晴

不必環千雉後更為環翠亭邑令涂銓詩昔日坡  
 真如鉄甕城後更為環翠亭仙句題名到此亭亂

山環小邑積翠映疎櫺埽徑臨芳砌開軒坐石屏  
 憑欄眺聽下遠意問鴻冥又環翠亭曉望南屏

詩望去春山曉嵐光雨後濃遙連冰署靜不受野  
 雲封遠黛凝新旭輕烟淡古松此中寧有徑長嘯

向青峯。張希良昌署環翠亭贈同年涂湘巖明  
 府詩羣峯環小邑雲日靜春天國賦不盈萬吏才

足當千花明流水外鳥語訟庭前好植甘棠樹他  
 時勝事傳。涂銓次同年張石虹太史環翠亭見

昌

贈原韻詩春城間永日客至自江天舊侶才無兩  
新詩卷幾千相思十載後共話一燈前亭館留題  
處藉君不朽傳。張希良督學浙江武林公署寄  
懷環翠亭仍用前韻詩蘇亭翦燭夜楚晚聚蘭夫  
彈指年逾廿懷人路幾千綠蘿應似舊青鬢各非  
前萬事俱陳迹依依鴻雪傳。署令王灝花朝環  
翠亭用范石湖雙溪亭絕句裝頭四首翠染南山  
擁縣門春寒料峭雨絲紛連村野牧廝靈藥隔鴻  
幽禽縮怪雲郭外花聯荒寺合山中路向小橋分  
生憎東入文移障邂逅論心快有君一洲橫截  
兩溪分曉色蒼茫豎碧清無俸須臨乞米帖有官  
難賦遂初文當賓色愛梅桃靚繞解香憐芝朮薰  
迂懶由來草野性宦游強用半生勤長官日永  
無公事靜處何妨策酒勳倦矣不堪西浙史悠哉  
遠媿北山文河橋僧閣吟筇拄石室松濤挹枕聞  
已厭浮塵齊物我遙期引入白鷗群卧聽灘聲  
看白雲山當佳處張吾單簾前冷勒絲花雨案上  
暄留片麝芬津吏報添三尺水野僧勾入一爐爇

昌化縣志 卷十八

雜類志

古蹟

六

從茲便結忘機社  
官况貧如鄭廣文

朝陽堂 在舊縣治宋令卞園建

三瑞堂 在舊縣後宋景定中邑西鳳凰山產瑞

麥及馬篠諸山產嘉禾嘉粟令劉宗憲登獻于朝

理宗作詩紀之以賜輔臣故縣內建堂名三瑞市

西坊門皆以三瑞為匾

清白堂 舊在縣治東北宋咸淳中令李長儒建

邑進士孫朝瑞記元大德中建于後堂取舊名扁

之乾隆三十三年知縣談官誥重建四十六年知

縣趙登甲改額惠風堂

春日堂 即縣治三堂

邑令甘明夔詩三十始一命官情都欲閑自憐無舊業不敢耻微官澗水吞樵路山城醉藥欄尺緣五斗粟辜負一魚竿

瑞應堂 在舊主簿廳後

應宿堂 亦在舊縣主簿廳元建

靜觀堂 在縣南覽溪之蕭源章氏山莊宋章詡

建章詡首夏靜觀堂書懷詩杖策下層嶺來憇雲外莊簷低繞頽垣淡泊在一堂山高戶牖虛風

清長夏涼翳翳動林影激激浮溪光心遠與世隔獨有文史香汲井資燕啾時葯助体弱園中橘為奴治內芟堪裳蒼松青不老籬下明秋芳陶情在庶物養性歸琴觴矯首起遐觀此中有濠梁。鄒

昌化縣志 卷十八

雜類志

古蹟

七

陽李達可題章詡靜觀堂詩君不見通都蕩蕩開九達肩摩數擊人爭馳危樓百尺獨高臥下看膠擾無休時又不見滄江茫茫與天遠輕舟出没風濤險此時着身平地人遙憐擢夫驚破膽靜中有味知者希紅塵拔脚與世違世人顛倒墮醉夢我獨坐照全天機榮名弗羨計非拙浮利弗爭癡更絕騁巧不若拙有餘役智何如痴且愚

高堂懸鏡以倒影對此令人發深省

書錦堂 在覽川宋處士章運之建舒頔記瀛川

重建書錦堂成處士之世孫寧國路同知麒卿子表兄也屬予文記之予按章氏家譜運之宋平章

事郇國文簡後錢塘伯之孫也文簡公居浦城作書錦堂于縣南峯刻仁宗賜詩凡子孫登科仕官者鐫名于此南渡時倉部員外郎遷昌化亦多顯

者翺主徽州婺源簿榷通議大夫爵錢塘伯鑄福建路轉運使淳淮東幹辦官祖康監瞻軍酒祖邵知浦江縣頌之桐陵縣主簿運之從仕郎運之始

遷瀛州乃大其闔閭以奉先祀則仍取邨國故居之名勝諸廳事所謂禮不忘其本示後世猶有考焉耳史稱文簡為人莊重深厚持守法度在中書八年宗党親戚一切抑而不進建邦啟土今百幾十年運之值兵戈倥偬救死不瞻之餘乃能表揚之天殆將復興章氏乎寧國今以武功顯爵直蓋未艾也夫文簡公詩書之傳輔相之業其可復者蓋不止一堂而已運之積而未施施而未竟寧國當子孫圖復其大者遠者如蒲城昌化以不忝所生則庶幾于此堂為無負也

豐山草堂 在覽川藏書樓下章祖義建

同山草堂 在縣西同山庄 陳秉謙晚歸同山草堂詩歷歷荒郊暮色

新剩餘烟大昔成鄰林花風動香迎戶徑竹晴遙翠滿茵檻外流泉供洗耳籬邊宿鳥不驚人謁來行止何須問短褐烹葵意自親。李以淳過友人同山草堂題贈詩寂寂雙峯對草堂故人野况近

昌化縣志 卷十八 雜類志 古蹟 八

乘涼亭虛只倚危橋立閣小詩驚怪石藏歲月一身閒釣叟塵埃千劫奉空王遙想河朔諸賢會不

夕霏軒 在縣署令卞園建

掬雲軒 在縣治令卞園建

綠雲軒 在縣治令卞園建 孫邦詩年來官拙喜躋攀門枕溪流四面

山時過鄰僧話浮世一軒長對此君閑

中和軒 在舊縣後元建

桃竹軒 王悅道建 參寥子道潛詩餘杭門西山迤邐岌岌千峯挿天起窮幽

摘勝過三邑隨處雲林皆可喜邇來杖策到君家始覺溪山逢骨髓爭流萬壑會目前競秀雙巖對



窗几丹楓洗雨放霽餘白鳥出沒嵐光裏主人韵  
勝無塵埃翠竹紅桃相間裁良辰尊酒憑誰共月  
友雲朋自往來

鑑軒 在昌化縣莊洪詩鑿池一鑑小清照遠山

深欠屬玉萍碎引伊尼緬想人中鏡披雲觀更奇

銜翠軒 硤川盛氏別業宋葉三錫題盛氏銜翠軒詩平生邱壑心漫浪

不羈束青山亦解意四時共追逐朝翠空濛時北

窗夢清熟晝寂庭戶涼坐課黃卷讀此心與山違

對面若掩日孱顏儼如故心境兩不觸宴坐搜萬

象剖璞出蒼玉木末流夕暉窗戶影搖綠相對兩

青眼悠然一笑足此意陶潛知不然問玉局

更隱齋 在縣治內邑令康萬有詩十室炊烟繞縣門萬山環翠擁晴軒移牀

昌化縣志 卷十八 雜類志 古蹟 九

近戶通花氣編石為籬護筍根鶴臥訟庭間白石

蛛封琴案坐黃昏淵明無地堪栽秫獨醉村酤月

頌春亭 宋高宗賜邑令錢昭祖禩羅山茶昭祖

因建亭以榮君賜其處不可考

古戒石亭 在縣後舊治元廉訪使徐炎戒石銘天有明鑒國有公法爾

畏爾謹以薦菊亭 循雙溪而上數百步溪側有窪其泉甘

冽東坡嘗酌以試茶因鑿石為泓刻東坡泉三字

於石開禧二年令章伯奮作小亭其左取東坡一

蓋寒泉薦菊秋之義

合溪亭 在雙溪之西又名雙溪亭宋熙寧六年

令陸元長臨溪建雙溪館宣和四年令錢冰重建

紹興三年令黃壽修開禧三年令章伯奮建新亭

立東坡祠於其上邑令章伯奮記雙溪與縣治相

曠遠之意每憑欄望上流澗處無數百步欲一到

未暇也一日有客自遠來語與意合遂駢舟至其

處水流無聲綠淨可燭鬚眉極目平遠正在雙澗

上下之間面面雙峯背武隆野航漁舟日夕往來雲

烟收抹頃刻異態再行容與近一里許石紺白色

平鋪水底日光下澈波影內見金綠映漾若織女

浪沫循平流徐行散點若殘雪不銷者久之直後

夾以蓮蕩屈曲橫亘十數畝或水暴漲巨魚自溪

昌化縣志 卷十八 雜類志 古蹟 十

沂流而入掉尾鼓鬣以萬計若爭赴龍門而變化  
渡溪至南屏山巖壁峭立古木自石出枝幹瘦硬  
盤屈冬少霜彫之葉幽靜奇絕之觀問見層出不  
可名狀而前人未有收拾品題之者抑山水顯晦  
自有時乎于是自雙溪取徑傍東坡泉登薦菊亭  
由象賢庵跨二橋沿流而入芟翳規址作登其上  
勝以合溪或謂唐昌山水之勝萃于此矣亭成父  
老聚觀士女和會咸曰令君遺我以無窮之勝稔  
我以去後之思而不與我久同其樂也余聞而媿  
之因自嘆曰峴山以羊叔子而名著後世見之為  
墮淚蘭亭非王右軍則清湍修竹遂湮沒而無聞  
山川亭榭未有不資人而彰者余每臨文太息即  
是邑有二事而尤有感于心焉去縣十里有灘曰  
洗耳橋曰白牛山曰箕山問其人則曰巢許嘗隱  
于是故因得名雙溪亭舊得東坡詩而山水為之  
增輝亭亦賴以不朽余戀微綠無巢許之高操拙  
疎多奇又無東坡之才名今合溪之名既以余辱  
後必得如東坡者品題之而後名始重庸書以候

昌化縣志

卷十八

雜類志

古蹟

土

三衢徐觀新亭記唐山古山水縣唐天后朝  
 於於潛皇朝太平興國間改今名中興行在之屬  
 邑也縣治之前溪分南北流喧唳奔放照寧間縣  
 令陸元長臨北流為亭東坡先生蘇公軾經遊亭  
 上題詩紀事有雙澗響空之語前挹南屏諸峯森  
 聳奇麗洲渚演迤漁歌野艇晨經晝泳出沒灘下  
 其後廣驛以館勞四方之賓客于是車馬隸人有  
 時囂處而臨眺之久不得以聽其意之所適前修  
 雅韻泉石晶笑寢以涇泊開禧二年永嘉章侯顧  
 其棟宇類此因廢撤之別置館于上清宮之東偏  
 即故址一新其亭傍為屋像東坡而祀之對岸號  
 南園舊有臺榭之勝自雙溪跨橋以入一日水大  
 至橋壞而亭摧邑人自是無騁目縱步之地侯曰  
 是亦雙溪之襟帶也于是又為亭三摘東坡詩句  
 分勝之曰芎筍曰倦飛曰自招皆所以還舊也逮  
 政閉領客優游觴咏遐思漁人爭渡之高風必為  
 長太息于斯走間南渡之初錢塘多榛莽廢墟有  
 新屹于屋前植竹數箇蔽遮西景一日老將過其

旁拔而斥之曰若以此為安身耶數十年間和好  
 既講故老渝落置讐不譚蓋天下之寧久矣江沱  
 遂為晏安窟宅名園列第萃聚錢塘掩映胡山窮  
 極錢氏富盛之習下至深山遠縣皆有遊觀之美  
 舒嘯之娛方今警邊燧帛遺黎侯以廉平嚴整振  
 之以長材撫綏惠養斯民懷德服教可使制  
 之以捷甲兵之堅利驅以攘卻誰能禦之吾知侯  
 之儒雅遠韻將移為忠義許國矣侯其謂何系以  
 詩曰溪流蕩蕩山容林林公行于亭鼓瑟鼓琴山  
 禽聒聒溪流蕩蕩山容林林公行于亭鼓瑟鼓琴山  
 禽聒聒溪流蕩蕩山容林林公行于亭鼓瑟鼓琴山  
 侯薪侯蒸尋尺之木厦屋之楹溥彼容舫烝徒以  
 顧屹爾中流恢我王度公無應斯民無去思百里  
 之閭千里之畿○章炳炎詩每到雙溪興自招新  
 朝敬枕幾回眠晝夜憑欄不厭立終朝人生何用  
 亭况是隔凡囂水中山色都如畫風裏湍聲卻似  
 千鐘酒萬古閑愁向此消○元廉訪使徐炎詩見  
 說溪亭風景好公餘聊此一憑欄要  
 知風俗淳龐處壁上題詩次第看

芳洲亭 在雙溪亭南岸之中洲余泗芳洲即景

活活秋濤作綵綵策小蹇行行度西郭燕尾分千

澗羊頭魚萬壑兩境開洲渚雙虹自繡錯荇藻影

惹牽鱗紗遞跳躍中拊構累榭嵌空架茵閣波翻

映組練浪涌涵金獲游衍混魚龍翔鳳集鸞鶴瑤

草波中花紅霞風外落呼吸想通天四海何寥廓

若還令貞白種志愛跼萼洲渚芙蓉花采采憐沃

香氣滿護蘆

倦飛亭 在芳洲亭之左取坡詩倦飛不擬控扶

搖之義

芎筍亭 在芳洲亭之右取坡詩溪筍瘦野芎筍

之義右三亭俱開禧元年令章伯奮建

鏡紅亭 在合溪亭之後十餘步蓮池從其前可

徑一里開禧二年令章伯奮建取韓詩平浦紅渠

蓋明鏡之句宋章樵題鏡紅亭詩屈曲蓮汀隱復

碧山翠淨涵螺髻青隋女啼粧羞缺月秦娥望

幸對明星主人約束當樽俎未放騷翁眼獨醒

尋源亭 在象賢菴之上數十步

清暉亭 在水南道院東舊名步虛令錢冰易今

名中廢淳佑七年令趙希偕重建

滴翠亭 在南屏山淳熙六年令錢孜建名勝志

唐山在雙溪南岸名南屏山熙寧令陸元長

臨流建有新亭淳熙中錢孜易其名曰滴翠

許由亭 在晚溪去縣西九里旁有箕山下有洗耳灘又橋名曰白牛觀名許由舊傳巢許曾隱于卞令圖經以許遠游嘗居此上遂有此名

東坡亭 在縣西治平寺後山即武隆山支岡熙

寧四年東坡通判杭州行屬邑至昌曾自雙溪館

下步尋溪源因遊寺至此愛其幽邃遂構亭憇焉

手書東坡林三字石刻于亭明嘉靖十年令汪棟

重建十六年令馬逢伯二十八年令陶欽中隆慶

二年令華文甫崇禎十四年令方震仲相繼增修

昌化縣志 卷十八

雜類志

古蹟

十三

順治十年令魏墀重建康熙六年令劉宗向修十

七年令涂銓復整

傳佩重建東坡亭記昌化治平寺岡故有東坡亭蓋蘇文忠公

自邑之雙溪館下尋溪源至寺吟咏咸淳臨安志

存二律若亂山摘翠雙澗響空閒覓野芳漁人爭

渡之句高風雅韻足磨千古開禧間章令伯奮取

公詩意作芳筍倦飛自招諸亭于雙溪之上而寺

亦有亭焉上下相望而觴咏斯興矣維時君父忘

虜偏安巨子乃游觀是急徐觀為章令新亭記稱

述老將拔竹事以告之非謬也雖然臨安悉如開

封矣行部支縣衣冠輻輳亦自有不能已耳我國

家幅隕萬里政簡民庸昌之于抗不啻巨縣之十

一故雖東坡之風未泯而亭館俱廢卒未有復之

者豈非山深地僻踪跡罕鮮惟茲為可畧耶涵濡

百十年來聲華文物日開日增我侯龍山汪公諱

棟經濟長材雅意師牧稽古崇化既修文廟遂以

餘力復建斯亭左右各為書屋若干遠聚黌序之

昌

化縣志

卷十八

雜類志

古蹟

古

于以目蒼山之冷留故魏類諸不時也為詩英  
 無簡可翠岡句異連址墀咸輩可作遊書若  
 人靜每盡余滴高不也常用久在重有者無于觀遍雙  
 寂率蒞任之疊清池澄源幽禽響谷古松疏篁在  
 靜邑人明陵稠林遠樹閣敞可喜之狀而御  
 之鄉士子吟咏談論其間蕭然如入  
 忘其為作吏之苦也憶公一

代風流遊憇于此厥地有靈今遺跡委棄于藜榛  
 蔓草之間余有媿顏矣因命工人增其茶蓼發其  
 壘爽爰以舊跡之未經煨燼者為之增門壁飾粉  
 櫺繚以橫檻葺以曲房其廳址仍舊外前為景蘇  
 亭方圓得屋十六楹出雲氣而臨風雨攬勝天然  
 蓋工作無幾植造維新而亭告成矣僉曰亭之廢  
 也日久之其成也不日是可以書矣余維公人丈  
 絕歷代余以風塵俗吏常有詩思輒弗敢吐寧敢  
 率爾操翰以紀盛事雖然值兵燹之餘幸獲休乎  
 暇日保茲宴堵時與士民拂拭勝蹟步武名賢優  
 游觴咏于山高水長之際良有厚幸焉烏可以不  
 記乎且作事者始未嘗不勤締造而後不加修葺  
 自古不乏臺榭所為不旋踵而化為荒烟也然則  
 此役也惟望繼起有人毋忘乎已成之績則此亭  
 為不朽矣○章昂東坡亭賦若乃武隆之巖則此  
 之巔仰眺遠岫俯瞰流泉林隱翳日樹色參天影  
 空池水氣靜庭軒磴懸熾臺之蓮每馳情于景物  
 秀仍與可之竹香餘茂叔之蓮每馳情于景物想

昌化縣志

卷十八

雜類志

古蹟

十五

聞望于當年伊長公之謫守曾至此而亭為爾其  
 薜蘿成覆松菊為垣人居巖頂座倚林端溪迴九  
 曲徑轉三灣樂既宜獨居亦宜間或聆鳳吹于別  
 浦或值薪歌于延湍左則靈巖百尺右則涓畝千  
 竿井留葛洪之蹟流接許由之灘王孫之草似織  
 丈人之石如刻極娛遊以竟日望天柱而盤桓近  
 有窻能生草砌可培花日送歸鴻耳數啼鴉螺峯  
 疎黛蜃閣蟠霞堂構滁陽之勝景闕赤壁之佳翠  
 落檻前稍雲之影欲滴碧連苔畔映水之色橫斜  
 觀物情之遞衍識在我之靡涯至若探穴搽奇尋  
 源問故羣壘鼎峙疊嶂屏布際石髓于瑤階取青  
 芝于璠圃抗飛棟以雲沉矗畫欄而星組臨赤城  
 之彩烟梅玉泉之甘露湘簾高捲間看石燕之來  
 雕檻環周時見文鴛之度用眇天趣以優游知非  
 時俗之足慕更如秀閣千谿流觀萬壑縱遠矚于  
 長天暢幽懷于寥廓警鳴鷓于山鼻採奇英于異  
 陌携酒催詩流鶻坐月春色曙分梅花秋聲肅  
 分題桐葉夏日長分歌涼風冬夜寒分賡積雪醉

蘭亭而狎右軍坐峩嶢而叶李白歎彼美之非遙  
 亦何呼而不出况悲吾生之軒轅悵世路之崎嶇  
 衆皆目蝦而腹鱗彼獨芒杖而紫車保下里之烟  
 霞邱壑解內翰之帶綬瓊瑤從此作辨才之替且  
 閱覓參寥之居縱懷六合之外騁遊三乘之墟四  
 岫青來枝短筇而濟勝雙溪綠漲棹葉艇以凌虛  
 暗送笛聲于邨隍旋舞花片于襟裾詢桑麻于野  
 老茹蔬甲于田間既忘情于欣戚奚感慨而長歎  
 于是招拂印而談空饒張琥而說稼稼牀堆壻索之  
 書絹寫篔簹之畫息忿爭于螻粒蝸宮取閱適于  
 風櫺月榭乃對千仞而仰止稟二儀以握珍挹景  
 徽而莫已期無負于斯亭辭曰卓彼亭兮邈歲祀  
 而彌芳懷君子兮願觀止而未降兮瞻秋水于一  
 兮頌羹牆之宛在驅騷士以往來兮墜尚前良之可  
 方嗟長英之搖落兮仰高標之未墜尚前良之可  
 接兮羌隨流時而胥長○明吳嶽道人詩每日常懷  
 蘇子惺惺吊此亭世于今日異山似昔年青斷壁  
 雲光冷空林虎氣腥高風招不返長嘯薄秋冥○

邑令康萬有詩幽探勝跡到林隈學士殘碑寄草  
萊一代文章歸謫宦半生出處伴如來聞風遐想  
千秋彦待月遠登百丈臺况有名英酬令賞不妨  
小隊夜深回陳鳳圖詩仰攀芳躅躋邱陵卻說  
東坡舊有亭盡道千秋人是傑安知百里地非靈  
合無尚美難為繼應有增華得未曾若使黃花存  
傲色須從此邑落秋英邑令涂銓游東坡亭詩  
二首晴烟歷歷汎遙空往哲芳徽夕照中詞賦楚  
江傳赤壁亭臺越嶺鬱青蔥雲迷遠嶂千山雨松  
響寒濤萬壑風登眺林泉無盡意長天極目數飛  
鴻縮組巖疆來楚客抗懷天末思搖搖春風已  
自嘘烟井隱雨何人膏黍苗遠照熹微雲出岫亂  
山迴合水平橋官遊續得坡仙蹟陶令何妨為折  
腰帥華國吊東坡亭擬輪臺歌東坡林前兩  
峯角東坡林側雙溪落饜殘風雨苦哀黎萋萋蔓  
草迷山西古碑倒地苔痕墨池塘抑塞在城北城  
廢不修起戰征風流故址亂軍行文忠壯氣雪海  
湧神人激發隱山動義旗直指連雲屯奮戈殺敵

昌化縣志 卷十八

雜類志

古蹟

十六

除草根景蘇亭華歌契潤登頂長嘯帽驚脫游履  
相逢慰樂辛蘇亭眺望靜氛塵于今亭地凡幾載  
令我歛歛吊古人胡士選詩坡仙有遺蹟相廢  
在郊墟勝事慷當慨流風思有餘殘碑拂拭讀古  
句謹嚴書山水多佳致名賢應樂胥

景蘇亭 在東坡亭前順治十年令魏墀建帥涑

景蘇亭詩尋幽攬勝不辭遙仰止高山豈寂寥亭  
榭到今題姓氏松杉從古傍雲霄登峯幾度穿游  
履問水誰懷挂飲瓢獨有坡公此遺跡秋來憑眺已連朝

五峯亭 在治內明令陳孔彰有記

上龜亭 在縣西六里東青橋口白菓樹潭下

摩青亭 在縣南塔左



景湘亭 在南屏山麓程宏文為邑令涂銓建

景湘亭碑記 昌治俯雙溪日計一里許其山曰南

屏俱崔巍綿亘第巽位峯巒聳拔稍遜宋熙寧中

造有浮圖以培植之說者謂為通邑華表云後眉

山長公倅杭郡攬勝來此喜其山川環衛因勅臺

于平岡題曰般若遺有亂山滴翠之句又于雙溪

北梅有亭亭踞治平寺之上二勝胡頹映帶遙矚

迄今數百載雖亭臺已不復存而都人士吊之慕

之以為蘇公履處猶新也康熙戊申歲浮圖項級

忽雷攫為塔遂日漸傾圮形象咸謂非宜然工繁

費溢非得如蘇公挾有築造西冷六橋毅力不克

舉也延此者十有四年而幸我涂侯至止不逾年

政興事理百廢具舉時于公暇有攜琴弄鶴之趣

以故相視山川多所整飭嘗復蘇公舊亭顏曰景

蘇思其人因景其亭志不忘也而尤于浮圖之增

葺為汲汲謀諸父老銳意從事自戊午秋朔始至

庚申冬而報竣巍哉一峯插天文筆競秀非我侯

昌化縣志

卷十八

雜類志

古蹟

其能大有造于茲土耶創造之初任事者不一其  
人余友程子宏文暨其弟輩尤為悉心董治又于  
其下為我侯而亭之亭前後皆山而左右則池也  
登斯際也足以襟巖岫鏡流光坐花觀魚吟弄風  
月四時之景惟人所適冀我侯于寧人課士之餘  
得效蘇公之一游一詠且又以培巽方之缺陷于  
邑為有利焉亭甫成而我侯之志內台適至邑人  
士相與感慕無已因就亭以志之志曰景湘夫我  
侯湘人也因字湘巖雙溪之水何得而湘之雙溪  
之亭又何得而湘之曰我侯之字人從地也是亭  
之名地從人也侯欲去而亭則宛在湘即遠而溪  
則斯清觀雙溪而思治澤誠欲與湘水俱長已然  
景之者何曰詩言之矣高山仰止景行行止蓋以  
景蘇公者景我侯即以景我侯者景我亭志二公  
之均有造于昌而亭亭為不朽矣余快睹盛事因  
為之記而鐫諸石。遠安方引隆秋日景湘亭詩  
出郭渾無際秋雲遍遠空林高藏半塔岸斷駕雙  
虹靄薄山疑紫霜輕葉欲紅湘亭聊小憇幽賞興

何窮。○許起鳳詩。秋日熏人濃似酒。攜將邛友過前川。滿林烏柏白于雪。趁眼丹楓紅欲然。蒼馬聲疑湘女瑟。漁舟歸似菡姑仙。我來覓片韓陵石。漠漠菰蘆一望連。

昱嶺亭 在昱嶺巔 太學生汪文瑄建宋學士范成大詩竹

興搖兀走婆娑。石滑泥融側足過。昱嶺不高人已困。晚登新嶺奈君何。

巨溪亭 在巨溪南岸 堪村姚永進建

華光亭 在百丈山前 堪村姚文貴建

桂馥亭 在朱浪川

永豐亭 在西晚村

回風亭 在回風嶺 潘欲昇建

昌化縣志 卷十八 雜類志 古蹟 十八

扶養亭 在七里橋東

盛村亭 在縣北 余有庠建助田三畝修葺

大悲亭 在白牛橋 千頃寺後 僧覺筠建

環山亭 在湯家灣

駐景亭 在黃泥嶺

栗溪亭 在栗樹埠

里仁亭 在河橋鎮

石嶺亭 在石嶺上

千古亭 在三跳嶺

玉露亭 在朱柳鎮

望仙亭 在無他村

滕公亭 在縣西四十五里

最樂亭 在縣西五十里

洞峯亭 在洞峯坪

聚秀亭 在朱秀村

去思亭 在縣大門左

望來亭 在縣大門右明隆慶間為邑令周易建

福善亭 在縣東橫街口

昌化縣志 卷十八 雜類志 古蹟 九

種玉亭 在縣西關帝廟右首

借景亭 在三賢堂後教諭魏哲嗣建今廢

三溪閣 在三溪口

翠屏閣 在鷲峰前

奎文閣 在縣西二十里

凝暉閣 在朱柳鼓樓山

存仁閣 在縣南三十五里赤石

聚奎閣 在縣南三十里下余

滴翠樓 宋徐季登建 (淳陽蕭御史之敏詩并序) 乾道五年三月十八日過

堪村逆旅主人庸客甚恭問之徐其姓季登其字也飲余小樓之上且求樓名于余余曰亂山滴翠衣裳濕此東坡昌化之詩也請以滴翠之名可乎季登曰唯唯賦二絕以志之云一溪流水漾殘春上有高樓碧瓦新溪路晝陰元不雨卻愁空翠染衣中我愛東坡句法道治平雙澗昔經游曾吟滴翠衣裳濕請借佳名勝書樓○程內翰秘謨堪村徐氏滴翠樓序季登築樓蕭御史名而詩之今三十年自餘杭至新安達匡廬九江又繇九江以達于湖湘梁益凡賢士大夫馳輕車道唐山者莫不登樓賦詩而後去故名章雋語鴻音逸韻爛若編目前編既盈嗣以今集且囑僕叙之願撲低頭受吏縛三年坐簿書朱墨叢中望滴翠不三十寸旌飄搖雙橋不隨坐想主人角中鹿裘早夕上雲輕篆籀風動絲桐山雨溪烟盡專几席未有不臨風自媿也今乃欲僕吐塵土語置諸右簡點浣清景得不為山君所不受乎尚幸四月受代而歸酌雙溪之水洗濯塵容登滴翠之樓讀滿編之

昌化縣志 卷十八 雜類志 古蹟 二十

詩平招山色俯挹溪潤聯嵐含輝浮空汎景以游乎無愧未知季登能延客否慶元五年上元後三日新安程瑛序

起青樓 在蜃巖宋章樵作起青樓于下人多留

題 宋方岳起青樓詩二首結樓多與青山對卻是一分切莫向渠談世事怕渠說與沈休文

藏書樓 在縣南覽川章鑄建

瞻雲樓 在西城外魯孝子元曜故居

許游居 在晚山

捲雪臺 在中洲南屏之麓淳熙六年令錢敦建

鳳凰臺 在頰口鳳凰嶺邑今史鳴皋過鳳凰嶺  
嶺此地曾遊丹鳳鳴鳥即今滿天下新詩獨立  
吟蒼涼寒崖翠聳千峯秀秋澗泉清百派長相望  
雲霄惆悵切故人報國有文章

般若臺 在南屏東坡題額邑人潘溶尋般若臺  
昔賢香消僻徑草芊芊荒壇寥落聯僧舍遺址蒼  
涼破鶴烟對景空餘今日句題詩猶覓舊時箋憑  
高漫說從遊近望極牢騷曲水前師國檀詩唐

昌天毓景清幽曾惹坡仙此舊遊般若臺中人已  
寂雙溪亭畔水長流苔封斷碣侵遺篆葉脫疏林  
驚浴鷗回首當年春夢裡祇今姓名落山坵姚

九穗詩古寺高臺最勝墟先生闢此竟非初猶存  
絕壑千峯翠常到前溪一艇漁臺址倒翻青麥隴  
寺內殘落野僧居流連塔影松間月與如前賢嘯

碧墟童基集東坡句滑磴攀秋蔓迎人翠麓偏

昌化縣志 卷十八

雜類志

古蹟

三

縈紆收浩渺倚徙弄雲泉嵐氣昏晨樹浮圖插暮  
烟空餘行樂處古甃墮松巔章強般若臺遺址  
集東坡句二絕瘦脊盤盤尚依空塵埃零落梵王  
宮誰言載酒山無賀尚有清詩氣吐虹春晚落  
花餘碧草雲間細路躡飛蛇誰人更似蘇夫子能  
使江山似永嘉陳日煌尋般若臺遺址集東坡  
詩成絕句昏昏水氣浮山麓渺渺疎林集  
晚鴉回望白雲生翠巘幽尋靜處見桃花

南塾 在覽川宋通議大夫章樵所創義學也招

延名師從學之士甚衆後多有擢高科登顯仕者

丞相履齋吳潛有祭南塾碑文今遺址猶存

讀書林 在百丈山下昔唐闔防于百丈溪理茅

茨讀書故名

武隆書塾 在縣後山坡

楊御史書塾 在縣後山北隅

袁翰林書塾 在上清宮

疊山精舍 在縣西五十里邑人知縣王梅石建

石門書院 在縣西北五十里小石門雙崖介峙

拔地而起左右緣石級而上級絕引以梯至絕頂

為伴天居里人陳鳳書建

南溪書院 在縣西朱浪章棟建章棟南溪書院

後世躋隆盛衆必需材而後俗反浮靡衆與國之

昌化縣志 卷十八 雜類志 古蹟 二十二

愚亦不常有大都中人居多既出于中材則多處  
于可上可下之間而趨上者又不若趨于下者之  
易為力也甚可樂也使非漸為薰陶而涵育之欲  
天下之多賢材而為國家賴也又何可得者故古  
者國有學州有序党有庠家有塾自凡民之俊秀  
皆得與于其中惟習詩書而敦行義不使他途得  
以雜之而又鄉先生坐于閭門日提撕而警覺  
之即屬編氓亦得耳詩書而身孝弟所以不特辟  
難泮水濟濟賢材而窮荒僻壤亦罔不率俾于義  
理也迨世之降也浮屠老子之教與記誦詞章之  
學爭相雄長為之父兄者子弟一經未上口即以  
科甲期之而子弟亦甚樂其足以取功名而震世  
俗故所學者不出于異端則入于詞章雖有賢智  
亦皆移于習俗况中人以下者能不日流于下乎  
若是乎賢材之甚賴乎設學校以教育也然余謂  
賢材之出固在學校尤在家塾衆塾之教固當責  
成人尤宜端蒙士蓋成人之志趣已定蒙士則正  
際于可上可下之間童蒙正則成人無不正故曰

蒙以養正聖功也余家朱浪自余府君靖齋公課子弟先德行而後文藝駸駸乎風移而俗易家修而戶化矣余因于室之東偏瓶為家塾背西面東前園後圃堂廡軒豁左右開敞非美觀也為作育人材計耳後之為父兄者當先以孝弟教端其心以禮讓植其體簡賢師友與之條析乎經書之旨趣甄別乎人品之邪正出入有提命行事有規矩優而游之日積月累材雖中下亦或幸以啟明矣然後教以文字則心術端而趨向正出可以致君民處可以持世道庶幾家與國均有濟也然則今而後猶有樂幻妄而淫佛老驚功名而馳捷徑者既大悖吾建塾之初心甚者為子不孝為臣不忠凶于而國害于而家者是則所謂下愚而已矣是豈吾所樂聞者哉願後嗣其共勉之

百丈谿書院 陳斗龍父澤民嘗從葉采學葉學

李方子李學朱熹得理學正脈後作百丈溪書院

昌化縣志 卷十八

雜類志

古蹟

二十三

祠朱李葉三君子侑以澤民延師教里子弟學

赤石書院 在七都赤石舊為朕公祠朕公者相

傳為錢氏將祠踞赤石明大學士袁煒嘗誦學于

此改額赤石書院乾隆己酉胡光煒倡捐重建

屏山書院 在學村莊明鄭德明建邑令鄭國士

有記

紫溪館

月堤館 俱在治城內

東園 在縣東內有堂亭六

南園 在雙溪中洲之上

藏春鴈 雲老徐氏別業鴈乃其菟裘宋徐氏藏春

鴈詩屏翳除繁少放寬禮園書圃種仍昆未愁百

卉空臺榭長引春風到酒樽底用黃鐘律管吹閑

萌剩卉日相隨向平綠累早裁斷荷插伯倫真我

師身名漂泊客燈前過眼花枝一夢遠爭似不知

門外事抱孫 攜子閱芳妍

放生池 在縣北武隆山麓康熙三年邑令盧毓

粹新鑿張毓秀放生亭詩為愛源頭水臨池築小

風清夢欲醒漫云濠 澗趣物我自忘形

東坡池 在縣西城隍廟西北東坡以倅車至邑

時愛其風景築亭鑿池種千葉紅蓮章起彪東坡

去數百武有池焉曰東坡池水清瑩可燭鬚眉多

白蓮清芬襲人衣裾迤邐而上石齒雜錯莎草環

織非策杖老著不借即傾仆不能前兩傍蒼松翠

竹掩映凌霄藤蘿相纏絡圓者如毬屈者如虺繚

繞蹊徑間行人相攜緣莎拔登一如入雲霄中時有

松聲竹影謾謾離離而已稍上一岡平坦可數畝

許有亭數椽已傾圮席茵而坐紫雲鍾磬治平梵

可數其東石橫橋巨如長虹蜿蜒其西山嶺崎嶇

如飛鳳翔舞倦飛捲菊如累愚張其南甲子迴風

如奔辰負其北百十里之外皆一覽盡之林下一

溪流碧高艇野航往來絡繹牧豎漁童徜徉沙渚

眺籌交錯裸臂護呼亦山林之勝概也亭兩旁敗

棕參差蓬頭突髻有似奇鬼攫拏狀偶為清風颯

然松竹切切相摩憂蒼鷹栖鶻呼吼如嬰兒游人

心動不欲留乃掃瓦礫拂莓苔欲尋蘇子所為手

昌化縣志 卷十八 雜類志 古蹟 二十四



題東坡林者而斷碣剝蝕歲月已不可讀  
以意模其形似蓋東坡倅郡時所留題云

平清沼 在縣治堂階下一名清平泉元肅政廉

訪使徐炎養齋銘取池水觀政之意徐炎平清沼

其流湜湜淮于琴堂可湘可滌既止  
且平亦清且深匪觀爾政寔觀爾心

煉丹井 在武隆山葛洪煉丹之所

昌化縣志 卷十八

雜類志

古蹟

二十五